

NAPLAN atas kertas – maklumat untuk ibu bapa dan penjaga

Anak anda akan menjalankan ujian NAPLAN atas kertas pada tahun 2020

Menteri pendidikan persekutuan, negeri dan wilayah bersetuju bahawa semua sekolah akan beransur-ansur beralih dari NAPLAN berasaskan kertas ke NAPLAN Online untuk menyediakan penilaian yang lebih baik dan lebih tepat serta lebih menarik untuk pelajar.

Pihak berkuasa pendidikan negara dan wilayah akan menentukan bila sekolah mereka berpindah ke dalam talian. Pelan semasa adalah agar semua sekolah beralih ke NAPLAN Online menjelang 2021.

Mengapakah pelajar melakukan NAPLAN?

Program Penilaian Kebangsaan – Celik huruf dan Celik angka (NAPLAN) menilai kemahiran celik huruf dan celik angka yang penting bagi setiap kanak-kanak untuk maju melalui sekolah dan kehidupan.

Pelajar dalam Tahun 3, 5, 7 dan 9 mengambil bahagian dalam ujian NAPLAN tahunan dalam membaca, menulis, konvensyen bahasa (ejaan, tatabahasa dan tanda baca) dan celik angka.

Penilaian ini menyediakan ibu bapa dan sekolah-sekolah dengan pemahaman bagaimana prestasi pelajar individu sewaktu ujian. NAPLAN hanyalah salah satu aspek proses pentaksiran dan pelaporan sekolah – ia tidak menggantikan penilaian berterusan yang dibuat oleh guru mengenai prestasi pelajar.

NAPLAN juga menyediakan sekolah, pihak berkuasa pendidikan dan kerajaan dengan maklumat tentang bagaimana program pendidikan berfungsi dan sama ada orang muda Australia mencapai hasil pendidikan yang penting dalam celik huruf dan celik angka.

Apakah penilaian NAPLAN?

NAPLAN menilai kemahiran celik huruf dan celik angka yang pelajar belajar melalui kurikulum sekolah biasa mereka. Semua pihak berkuasa pendidikan kerajaan dan bukan kerajaan telah menyumbang kepada pembangunan bahan NAPLAN.

Pelajar dinilai berdasarkan kandungan kurikulum celik huruf dan celik angka yang sama, tanpa mengira sama ada mereka menyelesaikan ujian dalam talian atau di atas kertas. Keputusan untuk kedua-dua format boleh dilaporkan pada skala penilaian NAPLAN yang sama.

Bagaimanakah saya dapat membantu anak saya bersedia?

Secara sendiri, NAPLAN bukan ujian yang boleh dipelajari dan pelajar tidak dijangka akan melakukannya.

Bantu anak anda persiapkan diri dengan meyakinkan mereka bahawa NAPLAN hanyalah satu bahagian daripada program sekolah mereka dan dengan mengingatkan mereka pada hari itu untuk melakukan yang terbaik.

ACARA tidak menyarankan penyediaan yang berlebihan untuk NAPLAN atau penggunaan perkhidmatan oleh pembekal latihan.

Guru akan memastikan pelajar membiasakan diri dengan jenis soalan dalam ujian dan akan memberikan sokongan dan bimbingan yang sesuai.

Lihat contoh soalan NAPLAN di nap.edu.au/naplan

Penyertaan dalam NAPLAN

Semua pelajar dalam Tahun 3, 5, 7 dan 9 dijangka akan mengambil bahagian dalam penilaian tahunan NAPLAN. Pelajar yang hilang upaya boleh melayakkan diri untuk pelarasan yang mencerminkan sokongan yang biasa disediakan untuk penilaian kelas. Anda harus membincangkan penggunaan sebarang pelarasan untuk anak anda dengan guru anak anda.

Seorang pelajar yang hilang upaya yang menghadkan kemampuan mereka untuk mengambil bahagian dalam penilaian itu, atau seorang pelajar yang baru-baru ini tiba di Australia dan mempunyai latar belakang pertuturan yang bukan bahasa Inggeris, boleh diberikan pengecualian rasmi.

Pengetua sekolah dan pihak berkuasa pentadbiran ujian tempatan anda boleh memberi lebih banyak maklumat mengenai peruntukan khas atau proses yang diperlukan untuk mendapatkan pengecualian rasmi.

Bagaimana jika anak saya tidak hadir di sekolah pada hari NAPLAN?

Jika mungkin, sekolah-sekolah boleh mengatur untuk pelajar individu yang tidak hadir pada masa ujian untuk menyelesaikan ujian yang tidak dijawab pada masa yang lain semasa minggu ujian. Pelajar individu tidak dibenarkan untuk menduduki ujian selepas hari Jumaat 15 Mei 2020.

Bagaimanakah prestasi anak saya dilaporkan?

Prestasi pelajar individu ditunjukkan pada skala pencapaian kebangsaan untuk setiap penilaian. Keputusan pada standard minimum kebangsaan menunjukkan bahawa pelajar telah mempamerkan kemahiran celik huruf dan celik angka asas yang diperlukan untuk mengambil bahagian sepenuhnya pada peringkat tahun itu.

Laporan pelajar individu NAPLAN akan dikeluarkan oleh sekolah anak anda pada penghujung tahun ini. Jika anda tidak menerima laporan, anda harus menghubungi sekolah anak anda.

Jadual NAPLAN 2020

Penilaian kertas bermula pada hari Selasa 12 Mei dan selesai pada hari Jumaat 15 Mei 2020.

Keperluan penjadualan ujian kertas diperincikan dalam jadual di bawah.

Ujian kertas	Selasa 12 Mei	Rabu 13 Mei	Khamis 14 Mei
Konvensyen bahasa Ujian ini menilai ejaan, tatabahasa dan tanda baca	Tahun 3: 45 min. Tahun 5: 45 min. Tahun 7: 45 min. Tahun 9: 45 min.		
Penulisan Pelajar diberi 'stimulus penulisan' (kadang-kadang dipanggil 'prom' – satu idea atau topik) dan diminta menulis respons dalam genre tertentu (naratif atau penulisan persuasif)	Tahun 3: 40 min. Tahun 5: 40 min. Tahun 7: 40 min. Tahun 9: 40 min.		
Pembacaan Pelajar membaca pelbagai teks bermaklumat, imaginatif dan persuasif dan menjawab soalan berkaitan		Tahun 3: 45 min. Tahun 5: 50 min. Tahun 7: 65 min. Tahun 9: 65 min.	
Celik angka Ujian ini menilai nombor dan algebra, pengukuran dan geometri, dan statistik dan kebarangkalian			Tahun 3: 45 min. Tahun 5: 50 min. Tahun 7: 65 min. Tahun 9: 65 min.

Bagaimanakah keputusan NAPLAN digunakan?

- Pelajar dan ibu bapa boleh menggunakan keputusan individu untuk membincangkan kemajuan dengan guru.
- Guru menggunakan keputusan untuk mengenal pasti pelajar dengan lebih baik yang akan menerima manfaat daripada cabaran atau sokongan tambahan.
- Sekolah menggunakan keputusan untuk mengenal pasti kekuatan dan bidang untuk memperbaiki program pengajaran dan menetapkan matlamat dalam celik huruf dan celik angka.
- Sistem sekolah menggunakan keputusan untuk mengkaji semula program dan sokongan yang ditawarkan kepada sekolah.
- Komuniti dapat melihat purata keputusan sekolah NAPLAN di myschool.edu.au

Di manakah saya boleh mendapatkan maklumat lanjut?

For more information about NAPLAN:

- Untuk maklumat lanjut mengenai NAPLAN:
- hubungi sekolah anak anda
- hubungi pihak pentadbiran ujian tempatan anda di nap.edu.au/TAA
- lawati nap.edu.au

Untuk mengetahui bagaimana ACARA mengendalikan maklumat peribadi untuk NAPLAN, lawati nap.edu.au/naplanprivacy